

嘉慶寧國府志

寧國府志卷十九

學校志

典禮

國朝順治九年

命禮部頒臥碑於天下學宮碑曰

朝廷建立學校選取生員免其丁糧厚以廩膳設學院學道學官以教之各衙門以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者

子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生

員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

謹案臥碑之設昉自洪武年間凡十四條語稍繁複且有  
不專爲生員發者今臥碑文括以八條永爲楷則寧國府  
學遵設於明倫堂左各縣學同

康熙二十三年

御書萬世師表匾額頌立文廟

二十五年

御製至聖先師孔子贊

并序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位窮而在下秉剛述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣

後之人而欲探二帝三王之心法以爲治國平天下之準其奚所  
取衷焉然則孔子之爲萬古一人也審矣朕巡省東國謁祀闕里  
景企滋深敬攜筆而爲之贊曰

清濁有氣剛柔有質聖人參之人極以立行昔習察舍道莫由惟  
皇建極惟后綏猷作君作師垂統萬古曰惟堯舜禹湯文武五百  
餘茂至聖挺生錚金振玉集厥大成序書刪詩定禮正樂旣窮象  
繫亦嚴筆削上紹往緒下示來型道不終晦秩然大經百家紛紜  
殊途異趣日月無踰熒燭可昭孔子之道惟中與庸此心此理千  
聖所同孔子之德仁義中正秉彛之好根本天性庶幾夙夜勗哉  
合圖溯源洙泗景躅唐虞載歷庭除式觀禮器攜毫仰贊心焉遐

企百世而上以聖爲歸百世而下以聖爲師非師夫子惟師於道  
統天御世惟道爲寶泰山嶮嶮東海泱泱高萬仞夫子之牆孰  
窺其藩孰窺其徑道不遠人克念作聖

二十八年

御製顏曾思孟四賢贊

顏子贊

聖道早聞天資獨粹約禮博文不遷不貳一善服膺萬德來萃能  
化而齊其衆一致禮樂四化治法兼備用行舍藏王佐之器

曾子贊

深潤之傳魯以得之一貫曰唯聖學在茲明德新民止善爲期格

致誠正均平以推至德要道百行所基纂承統緒修明訓辭

于思子贊

於穆天命道之大原靜養動察肅德肅言以育萬物以贊乾坤九  
經三重大法是存篤恭慎獨成德之門卷之蔽密廣之無垠

孟子贊

哲人既萎楊墨昌熾子輿闢之曰仁與義性善獨闢知言養氣道  
稱堯舜學屏功利煌煌七篇並垂六藝孔學攸傳禹功作配

謹案至聖贊爲一碑四賢贊其爲一碑大學七張玉書奉  
勅敬書寧國府學遵立於大成殿月臺左右各縣學同

二十九年議准學宮關係文教凡官民等經過者皆下車馬



並禁於學宮內放馬污踐

謹案下馬牌之設從京口將軍張思恭請也寧國府學立石於廟門外東西各一各縣學同

四十一年頒

御製訓飭士子文曰

國家建立學校原以興行教化作育人材典至渥也朕臨御以來  
隆重師儒加意庠序近復慎簡學使釐剔弊端務令風教修明賢  
才蔚起庶幾棧樸作人之意乃比年士習未端儒效罕著雖因內  
外臣工奉行未能盡善亦由爾諸生積錮已久粹難改易之故也  
茲特親製訓言再加警飭爾諸生其敬聽之從來學者先立品行

茲及文學學術事功原委有叙爾諸生幼聞庭訓長列宮庠居恒  
誦讀寧無講究必也躬修實踐砥礪廉隅敦孝弟以事親秉忠貞  
以立志窮經考業勿雜荒誕之談取友親師悉化僑盪之氣文章  
歸於博雅毋事浮華軌度式於規繩最防蕩佚子衿佻達自昔所  
議苟行止有虧雖讀書何益若夫宅心弗淑行已多愆或蜚語流  
言宵制官長或隱糧包訟出入公門或唆撥姦猾欺孤凌弱或招  
呼朋類結社邀盟乃如之人名教不容鄉黨弗齒縱倖脫襪扑濫  
竊章縫返之於衷寧無愧乎況乎鄉會科名乃掄才大典關係尤  
鉅士子果有真才實學何患困不逢年顧乃標榜虛名暗通聲氣  
夤緣詭遇罔顧身家又或改竄鄉貫希圖進取幕凌騰沸網利營

私種種弊端深可痛恨且夫士子出身之始尤貴以正若茲厥初  
拜獻便已作姦犯科則異時敗檢踰閑何所不至又安望其秉公  
持正爲國家宜猷樹績膺後先疏附之選哉朕用嘉惠爾等故不  
禁反復惓惓茲訓言頒到爾等務共體朕心恪遵明訓一切痛加  
改省爭自濯磨積行勤學以圖上進國家三年登造東帛弓旌不  
特爾身有榮卽爾祖父亦增光寵矣逢時得志寧俟他求哉若仍  
視爲具文玩愒弗徹毀方躍冶暴棄自甘則是爾等冥頑無知終  
不能率教也旣負栽培復干咎戾王章俱在朕亦不能爲爾等寬  
矣白茲以往內而國學外而直省鄉校凡學臣師長皆有司鐸之  
責者並宜傳集諸生多方董勸以副朕懷否則職業弗修咎亦難

進勿謂朕言之不預也爾多士尙敬聽之哉

謹案寧國府學遵雍正七年議准事例恭錄臥碑文訓飭  
文敬謹刊刻裝帙奉藏遇學政按臨日請明倫堂行三跪  
九叩首禮畢教官恭捧宣讀令各學諸生拱聽

五十一年

詔升先儒朱熹列於東哲卜子商之次改題其主曰先賢  
五十三年以宋儒范仲淹從祀稱先儒

雍正元年

諭內閣禮部加封

先師五世王得肇聖王木金父裕聖王祈父詒聖王防叔昌聖王

伯夏敬聖王叔梁紇改敬聖祠爲崇聖祠兩廡增宋儒張廌  
從祀

三年

御書生民未有匾額頒立文廟

詔郡縣丁祭增用太牢又

詔增先賢蓮瑗林放秦冉顏何牧皮縣亶公都子樂克公孫丑萬章

先儒鄭康成諸葛亮范甯尹焞黃幹陳淳何基魏了翁王柏

趙復許謙金履祥陳澠羅欽順蔡清陸隴其從祀升周敦頤

張載程顥程頤邵雍爲先賢

乾隆二年從兵部尙書甘汝來條奏

詔復吳澄從祀

三年

御書與天地參匾額立文廟又

詔升先賢有子列於殿內東序卜子商之次移先賢朱子於西序額  
孫子師之次

六年議准學宮從祀先賢先儒神位次序以

京師太學成式通行直省府州縣遵照書題按東西先後次序  
安設

大成殿正中奉

至聖先師孔子位南嚮以四配十二哲侑饗殿中以先賢先儒從

祀兩廡四配復聖顏子述聖子思子東位西嚮宗聖曾子亞  
聖孟子西位東嚮東序先賢閔子損冉子雍端木子賜仲子  
由卜子商有子若西序先賢冉子耕宰子予冉子求言子偃  
顯係子師朱子熹位均東西嚮東廡先賢逸瑗澹臺滅明原  
憲南宮适商瞿漆雕開司馬耕梁鱣冉孺伯虔冉季漆雕徒  
父漆雕哆公西赤任不齊公良孺公石定鄭單罕父黑榮旂  
左人郢鄭國原亢廉潔叔仲會公西輿如邾莒陳亢琴張步  
叔乘秦非顏噲顏何縣亶樂正克萬章周敦頤程顥邵雍位  
西嚮西廡先賢林放宓不齊公冶長公皙哀高柴樊須商澤  
巫馬施顏辛曹卹公孫龍秦商顏高壤駟赤石作蜀公夏首

后處奚容威顏祖句并弼秦祖縣成公祖句茲燕伋樂欽秋  
黑孔忠公西葳顏之僕施之常申楨左邱明秦冉攸皮公都  
子公孫丑張載程頤位東嚮東廡先備公羊高伏勝董仲舒  
后蒼杜子春諸葛亮王通范仲淹歐陽修楊時羅從彥李侗  
呂祖謙蔡沈陳淳魏了翁王柏趙復許謙吳澄胡居仁王守  
仁羅欽順西廡先儒穀梁赤高堂生孔安國毛萇鄭康成范  
甯韓愈胡瑗司馬光尹焞胡安國張栻陸九淵黃幹真德秀  
何基陳澔金履祥許衡薛瑄陳獻章蔡清陸隴其位均東西  
嚮

崇聖祠中設



肇聖王裕聖王諡聖王昌聖王啟聖王位皆南嚮祠內配饗先賢  
顏無繇孔鯉東位西嚮曾點孟孫氏西位東嚮兩廡從祀先  
儒東廡周輔成程珦祭元定西廡張廸朱松位均東西嚮

嘉慶四年

御書聖集大成匾額頒立文廟

謹案寧國府學增設先賢先儒位次如太學式康熙雍正  
乾隆嘉慶年間歷奉匾額敬謹摹刻懸掛殿中各縣學並  
同

大成殿祭品正位前帛一尊一爵三盃太羹一銅和羹二簋  
二其實黍稷籩二其實稻粱邊十其實形鹽羹魚棗栗榛菱

芡鹿脯白餅黑餅豆十其實韭菹菁菹芹菹筍菹兔醢鹿醢  
魚醢醢醢脾析豚拍牛一羊一豕一鑪一鐙二四配位前各  
帛一樽三銅二簠簋各二籩豆各八羊一豕一鑪一鐙二東  
西各樽一十二哲位前各帛一爵三銅一簠簋各一籩豆各  
四東西羊一豕一尊一鑪一鐙二兩廡二位共一案每位爵  
一每案簠簋各一籩豆各四東西各羊三豕三爵三統設香  
案二每案帛一爵三鑪一鐙二

崇聖祠祭品正位前各帛一尊一爵三銅二簠簋各二籩豆  
各八羊一豕一鑪一鐙二四配位前各帛一爵三簠簋各一  
籩豆各四東西各羊一豕一尊一鑪一鐙二兩廡東二案西

一案均簋籩各一遵豆各四每位爵一東西各帛一羊一豕  
一尊一盞一鐙二

謹案寧國府學春秋丁祭恪遵會典陳設各縣學同

每歲春秋仲月上丁釋奠行禮以正印官主祭僚屬分獻在  
城文武官陪祀均致齋二日先一日具祝版設儀從鼓吹前  
導有司公服捧送神庫安設一跪三叩首退次詣神厨監宰  
併塗毛血祭日丑前五刻陳設牲帛器數省視如儀各官皆  
朝服入大成左右門北面序立引贊引主祭官詣盥洗所盥  
手畢詣拜位前立引分獻陪祀官咸詣拜位序立通贊唱樂  
舞生就位執事者各司其事主祭官就位分獻官陪祀官各

就位唱迎神乃舉迎神樂奏昭平之章樂作唱行三跪九叩  
首禮興樂止唱奠帛爵行初獻禮舉初獻樂奏宣平之章舞  
羽籥之舞樂作引贊引主祭官升東階入殿左門詣

先師香案前贊上香司香跪捧香主祭官三上香畢俯伏興次詣  
先師位前贊跪主祭官跪贊奠帛司帛跪奉篚主祭官受篚拱舉  
奠於案贊獻爵司爵跪捧爵主祭官受爵拱舉奠於壑中俯  
伏興引贊引詣讀祝位樂止贊跪主祭官跪分獻陪祀各官  
皆跪贊讀祝司祝跪讀祝畢樂作主祭官分獻陪祀各官皆  
行三叩首禮興引贊以次引主祭官詣四配位前皆贊跪奠  
帛獻爵俯伏興復位引贊分引兩序分獻官升東西階入殿

左右門詣十二哲位前跪奠帛獻爵俯伏興復位引兩廡分  
獻官分詣先賢先儒位前跪奠帛獻爵俯伏興復位樂止通  
贊唱行亞獻禮舉亞獻樂奏陔平之章舞同初獻樂作引贊  
引主祭官升階詣

先師暨四配位前奠爵於左如初獻儀兩序兩廡分獻畢均復位  
樂止通贊唱行終獻禮舉終獻樂奏叙平之章舞同亞獻樂  
作引贊引主祭官升階奠爵於右如亞獻儀兩序兩廡隨分  
獻畢均復位樂止文舞退通贊唱飲福受胙引贊引主祭官  
詣飲福受胙位贊跪主祭官跪贊飲福酒右一人跪通福酒  
主祭官受爵拱舉授於左次受胙如飲福儀主祭官三叩興

復位次行謝福胙禮通贊唱各官均行三跪九叩首禮興唱  
徹饌舉徹饌樂奏懿平之章樂作徹饌畢樂止唱送神舉送  
神樂奏德平之章樂作復唱行三跪九叩首禮興樂止唱捧  
祝帛香饌送燎執事生各捧祝帛饌香恭送燎所主祭官遊  
立拜位西旁俟過復位樂作引贊引主祭官詣燎所望燎畢  
復位樂止通贊唱禮畢乃各退同日先祭崇聖祠引承祭分  
獻官入祠分詣行禮不用樂舞凡上香迎神奠帛奠爵讀祝  
徹饌送神望燎承祭官及四配兩廡分獻官徹謹將事均如  
致祭

先師儀

右丁祭儀注一以禮部則例爲準並取寧國府學見行儀節參之如舊志所載三獻有樂無舞亞獻終獻重贊奠帛末送燎又云望瘞繁簡失當悉加訂正各縣學同

欽定文廟春秋丁祭樂章

大哉孔子先覺先知與天地參萬世之師祥徵麟紱韻答金絲口

月既揭乾坤清夷

昭平章  
迎神

予懷明德玉振金聲生民未有展也大成俎豆千古春秋上下清

酒既載其香始升

宣平章  
初獻

式禮莫愆升堂再獻嚮協蒞備誠孚蚶巖肅肅雍雍與髦斯彥禮

闕樂淑相觀而善

秩平章  
亞獻

自古在昔先民有作皮弁祭菜於論思樂惟天牖民惟聖時若羣  
倫攸叙至今木鐸叙平章  
終獻

先師有言祭則受福四海黷宮疇敢不肅禮成告徹毋疏毋賚樂  
所自生中原有菽懿平章  
徹饌

臯繹我我洙泗洋洋景行行止流澤無疆聿昭祀事祀事孔明化  
我烝民育我膠庠德平章  
送神

謹案康熙五十五年初定樂章頒發於各府州縣學雍正  
八年重易今樂章乾隆五十一年定樂譜鍾呂嘉慶五年  
遂并頒譜於各學今寧國府學春秋歌舞蹈遵用之各縣學  
同



學國府志卷十九

學校志

廟學

書院附

府學在府治東南東至城堧砌路西至本學松林土岡南至

元妙觀路橋北至秀才巷

按乾隆志云學基無文契可稽惟明成化辛卯教授蔣補碑記內載

此四至錄以備考今仍之初郡中慕學始於西漢武帝時令郡國皆立學

校平帝元始三年立學官郡國曰學邑侯國曰校置經師一

人光武時李忠爲丹陽太守乃起學校春秋鄉飲選用明經

吳孫愉嘗於丹陽郡立學臨饗講肄雖在軍旅絃誦不廢唐

武德中詔郡學各置生員令州縣學兼習吉凶禮開元中裴

耀卿爲宣州刺史率父老子弟行鄉飲於學命歌南陔白華  
華黍山庚等篇凡所謂學莫詳其地逮宋嘉定宣城志始謂  
宣聖廟在城東大中祥符中御製文宣王贊碑存焉自慶歷  
中新建廟學其後從以三徙元祐六年賈侯易營學於倉街  
南崇寧二年李侯彥卿徙學於城內尙文巷時城東營屯相  
望士不以爲便故議遷築特草創而已崇寧三年席侯旦徙  
譙樓南建爰三年呂侯好問謂學居陵陽之巔勢歷州治改  
築城東隅未就會侯奉祠去後一年落成呂舍人本中撰學  
記紹興十年汪丞相伯彥知軍州事卽城東隅舊址更徙而  
東又拓而廣之取文脊爲對案下拱巽水爲堂一齋六序櫺

二十有二門楹如堂之五書閣庫廩庖厨皆具明年釋奠更造祭器祭服乾道四年汪侯徹增繕講堂直舍淳熙六年鄭侯伯熊剛爐亭廣諸齋爲諸生寢所置几榻帷帳市官書二千卷刊本無者續以繕寫時教授張杰勤於教事聚生徒至二百人建明倫堂時觀閣四賢堂增春秋釋奠羊六豕六之數十一年陳侯騃修直舍十三年詹侯騃修明倫堂紹熙二年沈侯揆更修廟塑宜聖充公鄒公侍十哲列其兩旁繪七十二子於廡壁嘉定十年教授鄒應博重新堂廡十三年教授陳思誠重建學門視舊規益高大並建學正學錄直學職事之位嘉熙三四年間教授潘斗重葺六齋修學廡學帑每

歲贖士租米以一千五百餘石計租錢以六七千貫計寶慶

間陳侯卓沈侯燮相繼捐金鼎新殿宇吳公潛爲記淳祐元

年郡侯王侍郎遂清理豪占拘租入學多士德焉

按舊學在城東二樓

紀畧所謂卽小東門外通科州學也康熙乾隆志俱云彼時

人材科第最盛惜於舊址源流不備載今據嘉靖志按年排

纂以見宋人修學之勤元寧國路總管陳大中改建學在

廟右至正乙未燬於兵

康熙乾隆志同

明初癸卯知府黃榮祖徙今

所卽元帝師殿址鼎建殿堂齋廡丙午知府楊觀修備增壯

嗣洪武中知府陳灌鞠騰霄胡乾祐林彥常承業中知府宋

獻相繼修葺正統初知府袁旭因其圯撤而新之規制尤偉

少師楊士奇尙書黃宗載大理卿楊復並有記成化中巡按

御史張敬儼修成化末巡按御史王溫儼知府范吉修宏治  
二年范吉記嘉靖三十六年知府朱大器建學門修撰羅洪  
先記四十三年知府羅汝芳修萬曆三年知府陳俊復修參  
政梅守德祭酒余有丁並有記十二年知府李國觀修順天  
府尹徐元太記二十年知府蕭良譽修自爲記三十六年知  
府金勵重修修撰焦茲記崇禎四年知府周光夏建十五年  
推官唐階泰修

國朝順治六年知府管起鳳修十一年十二年道府廳縣共修嶽  
寧道孫登第記十六年巡按御史衛貞元檄修修撰呂宮記  
康熙九年知府莊泰宏重修參議施閏章記四十年知府佟

鸚彩修未竣次年知府許廷試踵成之自爲記五十年知府  
於賦偉復修乾隆五年涇人建寧府同知吳最捐修殿祠堂  
舍知府程侯本記以上參訂康熙乾隆兩志乾隆三十五年知府狄咏篋

重修自爲記五十二年奉天王湖以本府總捕同知署府事  
倡修廟學自爲記嘉慶七年涇縣黃田朱氏武勳慶彩後裔  
承其先人志捐白金七千有奇新修文廟內外峻整編修洪  
亮吉記十年黃田朱氏復出千金購府城北門外市房以租  
息作歲修費舉人煊請勒石知府魯銓爲之記以上採訪冊

大成殿七楹殿左橫屋三楹爲神庫殿右橫屋三楹爲神廚  
門皆北嚮通學垣東廡西廡各十一楹其下爲官廳東西嚮

南爲橋星門又南爲泮池石橋過橋爲石坊爲紅牆爲廟門  
其外爲石路爲照牆爲東西角門門端各有匾東爲德配天  
地西爲道冠古今門外並有坊東爲騰蛟卽狀元坊西爲起  
鳳卽宰相坊

據舊志及  
學宮新圖

崇聖祠在大成殿東由廟門稍東爲學門祠在門左涇邑吳  
最捐修

節錄  
舊志

嘉慶七年溪丁都胡超芳胡起芳重修

有碑採  
訪冊

名宦祠在崇聖祠後舊志不載創建歲月嘉慶十年涇縣黃  
田朱氏重修祠內神位祀漢丹陽郡太守張竦李忠馬稜吳  
丹陽郡太守滕允晉宣城郡內史桓彝齊宣城郡太守謝朓  
梁宣城郡太守何遠隋宣州刺史王選宣城郡太守周超唐

尙書魯郡公謚文忠顏真卿唐宣歙觀察使崔衍穆贊盧坦

崔羣王疑

按舊志列觀察使於刺史後與職官表序次互異今正之

唐宣州刺史裴耀卿

崔璵班景倩竹承構裴敦復裴休獨孤霖南唐宣州刺史林

仁肇宋廣德軍司理參軍累官參知政事謚文正范仲淹宋

著作佐郎提舉江東常平袁甫宋宣州知州軍事晏殊彭思

永劉安節李光張果寧國府知府事

乾道二年陞州爲府稱知府事

李道傳

孫夢觀杜範王遂文天祥通判田錫胡宿旌德縣主簿呂誨

按舊志誤作李誨

元尙書史天澤江東道肅政廉訪司盧摯

按舊志誤作盧

鞏王士熙推官楊載明蘇松巡撫周起元寧國府知府黃榮

祖揚觀陳灌宋獻袁旭葉錫沈性黎福范吉劉廷瓊華璉胡



東臯及宦劉起宗朱大器方逢時羅汝芳王嘉賓蕭良譽金

勵同知羅觀劉誠石巍陳邦直姜維葉元通判文敏陳紀李

默推官王樞燕忠教授王龍錢若廚

國朝兩江總督馬鳴佩

滿洲人順治十二年任

麻勒吉

滿洲人順治十二年任

阿席熙

滿洲人康熙十二年任

于成龍

山西汾陽人副榜康熙二十一年任按總督于成龍字兆真

一子成龍字振甲奉天人康熙二十一年由通州牧知江寧府即總督于公所疏薦也後擢安徽按察使授江蘇河道總

督范承勳

奉天人康熙二十三年任

漕運總督邱廷樞

錢黃旗人康熙二十一年任

河道總督陳鵬年

湘潭人康熙六十年任

安徽巡撫靳輔

奉天人康熙十年任

後為總督高承爵

奉天人康熙三十二年任

李鈞

鐵嶺人康熙三十八年任

梁世勳

延安人康熙五十年任

江南通省學政道劉果

諸城人康熙五十八年任

學

院許汝霖

海寧人康熙二十年任

邵嗣堯

山西人康熙三十年任

張榕端

河南人康熙三十三年任

十六年任

張泰交

陽城人康熙三十九年任

張元臣

貴州人康熙五十年任

余正健

古田人康熙五十年任

五年任

左布政使

劉漢祚

奉天人順治五年任

安徽布政使

司常名

揚正白旗人

康熙四十年任

分巡徽寧道王緒祖

奉天人康熙三十九年任

江安十府

糧道鮑復昌

濟陽人康熙三十二年任

寧國府知府宋敷

詩城官嘉慶十年請入祀

凡

九十九人歲以春秋仲月上丁致祭牲帛尊爵禮儀如制

參訂

舊志

按舊志云顏真卿非刺史嘗爲浙西觀察使未至宣歙今

考唐書本傳乾元二年拜浙西節度使又方鎮表是年廢

浙西節度使置觀察使復領宣歙僊三州卽此可爲魯公

治宣之証嘉靖府志據嘉定宣城志列於唐使臣之首謂  
宣州實屬所治其說可從宋史晏殊傳知宣州數月改應  
天府舊志謂數日改知大名不知何據况應天爲宋南京  
大名爲宋北京晏公知應天府聞仲淹名召置府學並見  
范傳中後人輾轉滋譌加以宣州教授之目至與晏公並  
祀敬亭七賢祠修賦偉修祠記旣明辨之而又莫敢廢其  
祀者則以范公嘗判廣德宛陵與之接壤也語亦傳會然  
猶愈于宣州教授之繆耳乾隆志叙宋名宦首通判田錫  
次袁甫次晏殊次范仲淹以下十人皆不著何官以掩其  
增祀范公之跡今標范公曾謚冠于首以別主客而以提

舉袁甫次之紹定中甫移提舉江東前後五年所至諸學  
宮講說語見本傳證以平江知府王遂所撰南陵修學記  
謂袁公持節江東行部南陵登進諸生講論經術大義語  
與正史相合舊志徒以其非知州而疑之不知袁公提舉  
時宣州正其部內其得祀於茲土宜也至若楊載除推官  
未任史天澤非宣州官劉廷瓚陳邦直政績無考錢若廢  
履任未久皆舊志所謂於祀法未合者然相沿已久在前  
人或有所本悉仍其舊而已 本朝名宦位次以官序同  
官以年序舊志未晰並據江南通志詳注之

鄉賢祠在名宦祠後合祀六邑鄉賢明鄒守益有記貢汝成

有銘 本朝乾隆十三年宣城梅穀成捐建未竣嗣修葺無  
考近亦涇縣黃田朱氏修之祠內神位祀晉孝子何琦宋翰  
林學士梅詢都官梅堯臣侍郎凌策處士王相如祭酒汪解  
侍郎章燾秘閣修撰謚正肅吳柔勝秘閣修撰孫懋義土方  
致堯太常少卿李含章學士徐勣侍郎劉拯通判林宗放左  
丞相許國公吳潛御史劉琦參知政事謚莊敏吳淵員外郎  
汪齊參知政事謚敏肅魏良臣尚書吳璞參知政事饒虎臣  
侍郎虞儔西安尉詹友端元封廣陵伯貢應寔尚書謚文節  
汪澤民翰林學士貢奎尚書貢師泰明尚書私謚靖獻追謚  
忠烈陳迪尚書秦遼燕府教授謚節愍俞逢辰贈員外郎吳

文常右副都御史董傑僉事吳景贈光祿寺少卿萬琛右通  
政徐說知府吳宗周知縣貢珊右都御史張綸知府趙瑞給  
事中王蓋按察副使吳大本知縣戚哀州判劉珊郎中魏景  
星通判陸乾无贈副都御史徐訪贈副都御史徐衢州同劉  
復芳州判梅繼儒主簿劉希賢生員姚汝弼贈國子博士陳  
舜道太常少卿謚恭節周怡知州貢安國教授郭宏知縣陳  
大林主事貢汝瓚參議沈灑贈主事梅繼善參政梅守德給  
事中陳希諒按察使唐汝迪翰林修撰沈懋學舉人梅應祚  
太僕寺卿麻溶參議葉煒知縣徐大筌生員吳仕期許良弼  
贈主事胡世冕贈參議吳玉相左都御史詹沂貢士梅鼎祚

行人沈有則侍郎張守道布政使梅守和按察使馮汝京太僕寺卿徐夢麟生員芮永縉主事唐一澄登仕郎郭東渠主簿梅儲祚生員劉秉常徐大復施宏猷

國朝贈給事中孫應旂給事中孫襄贈僉事李煌翰林侍讀施閏章贈侍郎阮世盛左都御史梅錫贈左都御史徵士梅文鼎凡九十一人歲以春秋仲月上丁致祭牲帛尊爵禮儀與名

宦同

參訂舊志

按鄉賢之祀所以崇往哲勵後賢也祠設木主但書某官某人其有諡者缺弗載似失古人諡以尊名之義今各據本傳補之體例較爲嚴重又舊志云郡中先達如刑部尙

書徐元太之正氣偉伐工部侍郎徐大任之儉德清操待  
詔貢汝成之博雅方正皆卓然里中典型乃不與祀真闕  
事也附記之

傳志

忠義祠在鄉賢祠後雍正三年建祀晉贈興古太守俞縱宋  
處士王相如西安尉詹友端文州判官趙汝嘉龍泉令胡寶  
信元尚書謚文節汪澤民百戶王翕百戶張文貴集慶路照  
磨梅實明尚書私謚靖恭追謚忠烈陳迪燕府教授謚節愍  
俞達辰贈光祿少卿萬琛生員吳仕期贈都督沈壽崇江山  
知縣方召

國朝贈僉事李煌凡十六人每歲春秋致祭如名宦鄉賢儀

舊志



按忠義祠久廢乾隆中生員麻三衡生員沈壽堯生員吳漢超西林知縣劉讓並准入祠

土地祠在教授署東

傳志

柏將軍廟在鄉賢北

學宮

文昌祠在學東南隅一名文昌臺又名文昌閣明嘉靖三十二年知府朱太器以當學與方卑削故建制頗雄傑南吏部侍郎尹臺記崇正八年知府徐大儀修大學士周延儒記

國朝順治九年同知署府事白寶珩知縣王同春重脩刑部主事施閔章記後比康熙十五年知府莊泰宏通判常君恩重建二十年知府王國柱通判陳芳猷知縣袁朝選訓導姚士重

同修五十八年知府佟鳳偉捐修視舊加高與北樓遙對榜

曰南樓宣邑徵士梅文鼎記

增補舊志

乾隆年間修葺無考嘉慶

元年知府劉寶篋倡修八年夏安慶同知瞿兆麟來署府事

復葺之閣中舊祀文昌歲以春秋仲月致祭自嘉慶六年追

封先代牲帛禮儀與關廟同

採訪冊

孝子祠在文昌祠右明崇正元年知府徐大儀爲旌邑孝子

鮑邦志建

國朝康熙五十一年知府佟賦偉重修增祀六邑孝子有記乾隆

二年宣邑孝子後裔劉慶觀劉芳蓀同修教授高允中記三

十六年知府狄咏鏡拓而新之自爲記祠內神位祀晉何琦

唐蘇仲芳宋許遂許俞李經何白興呂鏗元周淳卿明凌徐  
慶梅應魁貢珊吳大經徐棠姚汝弼王朝諍陳希良俞龍朱  
時俊孫國訓貢汝梯劉仲光費有時陸可宗沈壽隆黃石吳  
士琮潘寧海戚學傳錢大用張昭沈仲煜劉邦正何炳曹鐸  
嚴大本朱慶福徐賢趙寵徐士傑翟質洪希泌趙桂枝洪守  
伸吳惟賢屠義民汪文英黃一榮張道榮戴三元江休江廷  
謨張廷翰呂賜宗呂文奎鮑邦志張廷旭方必通林桂芳焦  
守勅林文榜孫世賢

國朝劉一幹方達姜安簡楊茂漸沈吉生王際康胡堯齡趙敬郭  
冕生方士達舒世安項若麟雍正二年知府黃叔琪增祀王

孟心梅琢成

以上據乾隆志

劉茂萬麟

俱明人

劉一緇沈善慶沈廷璐

劉于鱗章振世苟士蕙萬唐劉良伏

俱

本朝宣城人

凡八

十五人每歲春秋致祭如忠義儀

按六邑孝子爲數甚多近惟宣邑請旌者設位於此他

邑則各祀于其鄉不似往年之置主郡學也茲就祠內見

有木主者載之餘詳孝行門

節婦祠在孝子祠右祀宣城節婦故縣學不另立祠舊名節

烈祠在陵陽山雍正三年奉勅建久圯乾隆三十六年知

府狄咏箴移建今所有碑記祠內神位祀漢丹陽太守孫翊

妻徐夫人梁天監中宛陵女子元菖貞女趙十一妻袁氏明

孫伯善妻袁氏朱景銘妻胡氏吳賢生妻張氏曾金寶妻李氏仲文妻郭氏郭祥妻陳氏金鑑妻王氏舉人徐元策妻趙氏生員戚鳴廷妻孫氏義士吳仕期妻黃氏舉人施浦如妻鍾氏生員殷雲卿妻吳氏梅元祚妻劉氏吳廷科妻董氏王仲文妻吳氏詹應樞妻馬氏胡邗奇妻丁氏胡家寶妻章氏楊義紀妻宋氏孫之麟妻曾氏妾項氏施之濬妻徐氏吳日新妻唐氏徐大聘繼室吳氏鍾一道妻鄭氏生員馮任尹妻施氏詹應鸞妻梅氏妾貞女妙善

國朝徐一清妻孫氏生員馬夢假妻沈氏劉試妻孫氏丁從熾妻徐氏督丞招妻丁氏唐應山妻徐氏丁益湖妻陳氏宗元善

妻王氏劉宏道妻唐氏舉人張友繼室高氏陶楚朋妻唐氏  
陶問敬妻子氏陶乘時妻丁氏汪上璉妻馮氏施濟妻錢氏  
監生施衡臣妻馮氏孫治遠妻劉氏戚尙通妻章氏陶仲謙  
妻王氏陶仲謙妻周氏劉允準妻胡氏劉維二妻丁氏監生  
周鳳喈妻汪氏生員馬德良妻許氏蔣震宙妻黃氏韓文明  
妻王氏韓禹疇妻唐氏韓禹及妻徐氏鄭士琳妻陳氏附監  
曾仲駱妻傅氏生員戚竒生妻陳氏生員方宏基妻張氏程  
大庶妾汪氏王伯義妻張氏李永久妻范氏方啟貴繼室閔  
氏生員湯震繼室陸氏湯光夏妻梅氏曹日朋妻何氏范世  
珍妻徐氏周配高妻樊氏劉玘妻秦氏侯肇纁妻殷氏王振

元妻管氏傅魁祚妾王氏李有標妻徐氏監生荀晟妻凌氏  
吳應昇妻潘氏徐渭妻李氏孫洪範妻吳氏葉有存妻方氏  
丁克儉妻李氏周一鼎妻王氏鄒士珪妻潘氏張夢元妻陳  
氏夏以誠妻葉氏陳宏基妻張氏董一梁妻王氏汪尙貴妻  
王氏劉廷侯妻郭氏張國賓妻馮氏潘肇學妻麻氏汪孚若  
妻吳氏馮仲瑄妻王氏陳能章妻朱氏儲俊妻汪氏管紹松  
妻虞氏范應泰妻夏氏符懷奇妻戴氏葛五雲妻鄭氏荀應  
觀妻孫氏烈婦吳氏胥紹妻楊氏曹懋文妾蔡氏萬應開妻  
董氏湯蔚文妻徐氏吳國蛟妻杭氏朱士舉妻沈氏潘次賢  
妻貢氏吳文典妻唐氏吳文籍妻陶氏彭士偉妻范氏生員

後來異妻張氏孫維鉉妻周氏盛顛廷妻朱氏翟思傑妻董氏羅勲妻錢氏徐良仁妻詹氏滸之立妻施氏陳大賢妻陶氏生員李琳妻孫氏沈振統妻金氏袁應鵬妻唐氏王朝宗妻詹氏朱景瞻妻李氏樊鳴箎妻吳氏李昭亨妻謝氏張以溥妻吳氏吳夢秀妻王氏袁華章妻王氏魏啟傑妻貢氏林國忠妻朱氏殷爾邈妻羅氏李伯景妻徐氏陳大倫妻趙氏邢祚祐妻李氏生員孫景恩妻戚氏孫士喆妻高氏馮撫紘妻湯氏屠應性妻荀氏陶士鴻妻孫氏章其彬妻唐氏李遵之妻孫氏王維垣妻朱氏袁尙德妻胡氏唐昌申妻劉氏丁鴻妻朱氏錢以質妻裘氏成元奎妻傅氏雷元裕妻陶氏馮



之斗妻李氏陳孔章妻章氏王惟梁妻陳氏胡永熾妻侯氏  
胡秀林妻王氏夏邦元妻許氏侯廷楠妻王氏副貢生唐兆  
麟妻呂氏李淨玉妻陳氏劉朝遴妻楊氏胡士文妻陳氏唐  
景聖妻王氏丁琇四妻唐氏翟思道妻陳氏唐親燈妻劉氏  
唐奕綏妻魏氏詹士彪妻蔡氏生員馮均齊妻張氏丁鴻程  
妻傅氏陳紹虞妻吳氏陳世讀妻吳氏施士鏞妻梅氏陳正  
治妻許氏管淑義妻沈氏葛久美妻馬氏吳克勤妻馬氏管  
錫銓妻何氏生員管奏妻徐氏生員袁袞妻耿氏陳正樞妻  
孫氏陳永祚妻萬氏劉又超妻袁氏劉確十妻李氏王所龍  
妻楊氏陳士熬妻貢氏黃道昱妻張氏後寅仲妻濮陽氏李

應序妻孫氏後尙德妻魏氏

以上一百九十一位在乾隆十八年以前悉依乾隆府志列女

傳請

旌

先後爲序 程有庚妻唐氏孟鶴年妻詹氏孟文暄妻李氏劉

十姬妻張氏汪國戚妻胡氏王世盛妻許氏葛泰愷妻張氏

王一槩妻趙氏章世岱妻許氏顏如赤妻吳氏程必逸妻蘇

氏顏如墨妻姚氏劉孔厚妻孫氏袁錫民妻馬氏王光珍妻

傅氏唐日彩妻笱氏萬宗沛妻蕭氏烈女楊高妹兒

以上十八位據

採訪冊增人祠有木  
正核與府房冊相符

李國珮妻陳氏程摯妻袁氏李量亨妻

徐氏葉嘉亨妻陳氏潘于門妻吳氏雷于萬妻劉氏汪永言

妻韓氏陶于濱妻陳氏傅以純妻馮氏楊文翹妻徐氏金祥

元妻劉氏梅汝行妻徐氏梅寄成妻朱氏徐式法妻孫氏徐

式洪妻張氏貢大勲妻湯氏周楷妾李氏陸璠繼妻余氏陳  
大炳妻高氏許掄祖未婚妻貞女詹氏孫敬宇妻王氏章積  
芹妻管氏沈煜妻陳氏管永芳妻查氏李萬選妻王氏師以  
鵬妻李氏以上二十六位據採訪冊  
增入祠有木主學冊相符韋守寶妻許氏吳思仁  
妻詹氏馬自位妻章氏吳之習妻陶氏沈期埋妻劉氏鄭明  
鉅妻胡氏萬惟快妻汪氏以上七位據採訪  
冊增入祠有木主凡二百四十一  
人每歲春秋致祭如孝子儀

按禮部則例府州縣學各建節孝祠祠外建大坊旌表者  
題名其上身後設位祠中法至善也寧國府學有祠無坊  
則設位入祠應以請 旌卷案爲據今祠內木主核與舊

志相符者一百九十一人核與府禮房冊相符者十八人  
餘三十三人由宣城學檢卷詳覆謂李國功妻陳氏以下  
二十六人有冊可稽自乾隆四十九年學書不戒於火卷  
多焚燬故韋守寶妻許氏以下七人不可考云此外有已  
旌而未設位者詳列女門

明倫堂在大成殿後東爲禮門通學門內甬道西爲義路通  
西園齋房南向六間東向六間均在堂西偏崇正三年知府  
黃夢松重建南太僕寺卿徐夢麟記

國朝乾隆五年涇邑吳最捐修二十年宣城係廷柱及弟廷相捐  
修知府嵇璜爲之記堂後舊有敬一亭尊經閣久圯惟嘉靖

中所勒程子四箴范氏心箴尙存

增補舊志

射圃在明倫堂前今廢爲隙地舊志云在學西萬厓間知府

陳俊重建教授石守一記

舊志

教授署在明倫堂後乾隆五年涇邑吳錕捐建下同

舊志

訓導署在明倫堂後

舊志

見任訓導沈沾霖捐俸新修內外完

整

有記勒石

學官弟子員額教授一人復設訓導一八廩膳生員四十八

增廣生員四十人學院歲科兩試每試撥人文童二十五人

爲附學生員歲試撥入武童二十八爲武生衛籍丁童自乾

隆四十一年改歸土著縣試其取進併入縣學中

學政見行事例

禮器銅祭五銅罍二十銅簋四十四銅簠四十四簋七十二  
豆七十二銅爵一百七十七銅犧尊一銅象尊一銅雲螭尊  
一錫酒海一磁酒海一帛篚九牛架一迎神牌一祝版二舊志  
樂器曲柄傘一麾席一戟門鐘一戟門鼓一編鐘十六編磬  
十楹鼓一應鼓一琴二瑟二鳳簫一龍笛四洞簫四笙四祝  
一敵一搏拊二鼗鼓二埙二篪二九節纓旒二籥三十六翟

三十六

舊志

按康熙志云成化十七年辛丑郡守涂觀以文廟鐘磬尊  
彝之類破壞殘缺特請於太常卿安成劉公宜壬寅春致  
樂舞生鍾福慶錢永通二人來爲之考正隸習修置邊豆

于齋若干外召工範銅爲簋簠樽罍銅登爵若干用銅于  
五百兩用銀三百兩於是器物具備聲文亦稱涂公自爲  
記詳見湯司成宣城右集乾隆志云辛未知府宋敷倡諭  
宣城知縣貴中孚旌德縣學生員汪玉堂等共捐增樂器  
舞器又飭儒學會同邑令依例慎選份生得儒童啓知文  
義粗曉音律者八十人捐俸延師以時演習今禮樂器數  
悉仍乾隆志間有損缺學官交代印冊可稽茲不載

書籍

御纂周易折中二部

御纂周易述義二部

欽定書經傳說二部

欽定詩經傳說二部

欽定詩義折中二部

欽定周禮義疏一部

欽定儀禮義疏一部

欽定禮記義疏一部

御纂春秋傳說一部

御纂春秋直解一部

御纂性理精義二部

御纂朱子全書一部



欽定清漢對音字式一部

御製文廟碑文一部

御製平定準噶爾回部碑文二道

御製平定金川碑文一道

御製文初集二部

御製詩初集二部

御製文二集一部

御製詩二集二部

御製備筆詩樂譜三本

御批資治通鑑綱目續編一部

御製改教詩墨摹一道

御選唐宋詩解二部

聖諭廣訓註解一本

上諭一百六本

上諭臚黃三道

御諭一道

欽定四書文二部

欽定學政全書三部

欽定吏部處分則例二部

欽定學政全書一部

欽定科場條例十六本

欽定磨勘條例二本

南巡盛典一部

律例全書一部

武英殿聚珍板書十一種

駁呂雷良四書講義七部

日講四書講義二部

日知薈說二部

十三經全部

廿一史全部

明史一部

捕蝗章程二部

校勘條例三函

科場條例二本

新頒科場條例十二本

探驪集一部

十一經旁訓一部

學田詳田賦志

書院

附

敬亭書院在文昌臺左明萬曆十七年知府廖恒吉宣城知

縣陳公相度地倡建初名待學書院吏部郎中邑人麻溶記  
二十六年知縣尹三聘重修改爲正學書院崇禎八年知府  
徐大儀府學訓導陳景華太學生沈全昌倡捐重修景華自  
爲記董事沈壽昌有書院始末記

國朝康熙五十二年知府修賦偉卽其地更新之增置學舍數十  
間買田九十八畝有零自爲記兩江督學使者胡潤工部侍  
郎邑人阮爾詢縣學生員沈廷璐並有記雍正五年知府黃  
叔琪重修乾隆八年知府蔣大成請于安徽巡撫給扁改今  
名十七年知府宋燾知縣賁中孚倡捐修葺三十六年知府  
狄咏篋重修有記院內舊祀明新建伯王文成公守仁配以

祭酒鄒東廓守益少保尙書歐陽南野德郡中錢緒山德洪  
郎中王龍溪叢督學御史耿天臺定向寧國府知府劉初泉  
起宗羅近溪汝芳宣城縣知縣吳疏山梯東平州知州貢受  
軒安國項城縣知縣戚竹坡袁太常少卿周訥溪怡參議沈  
古林寵參政梅宛溪守德貢生吳句溪與共十四人康熙中  
修賦偉增祀朱子位正中以王文成公配十四人從祀每歲  
春秋仲月上戊日致祭

增補  
傳志

寧國府志卷十九

學校志

廟學下 書院附

宣城縣

縣學在府治西南大成殿五楹左右兩廡共十二楹前爲櫺  
星門爲石坊又前爲東西二坊宋元學在城東州學南明洪  
武三年知縣王文質徙建泰和門內今軍儲倉地九年知縣  
邢知遠改建縣治西宣德二年知縣蕭吉重建正統七年知  
府袁旭徙今所景泰四年知府葉錫拓脩之嘉靖二十六年  
同知張臬知縣蕭綸徙而稍前三十五年知縣姜儼脩四十

二年知府羅汝芳脩隆慶三年知府王嘉賓脩萬曆二年知縣姜奇方脩十四年知縣詹事講陳公相建學前夾城以補異維正面修撰沈懋學記嗣後脩葺無考

國朝順治六年知縣陳正中脩吏科給事中孫襄記八年知縣王同春脩十三年徽寧道孫登第重脩自爲記十六年教諭胡

繩

按乾隆志誤作繩今據康熙志及縣舊志職官表改正

訓導施端教復脩工部侍郎

楊義記康熙十二年五月廟全圯知府莊泰宏知縣李文敏教諭徐化民倡捐重建二十一年知縣袁朝選教諭陸志遇訓導錢邦達同脩五十五年知府佟賦偉大脩自爲記乾隆二年知縣吳飛九同教諭周偉訓導張照龍重脩自爲記

以上



陳傳志

乾隆三十四年知縣謝其炳署知縣盧士珩偕教諭孟

文輝訓導唐鼻重脩謝其炳記嘉慶元年知府門應兆劉寶

篋先後率知縣胡鵬雲徐日簪嚴克任教諭章廷鈞訓導劉

瑗署教諭魏維祺署訓導周德隆諭紳士重脩嚴克任記學冊

崇聖祠在明倫堂後雍正元年改建乾隆十八年舊祠圯甚

監生吳國偉捐資脩整門墻堂宇煥然一新知縣賈中孚記

舊志

名宦祠在崇聖祠後乾隆十八年附貢丁恭捐資修整傳志

鄉賢祠在名宦祠左縣學附郭舊無專祠康熙五十五年武

舉章振世倡建知縣杜濱記乾隆十八年振世孫廩生章斯

盛臨生章世德重脩知縣賁中孚記

善志

按今制崇聖祠當云在講堂後名宦鄉賢兩祠在講堂西  
忠義孝弟祠在土地祠後嘉慶七年邑紳貢振鐸捐建

採訪冊

按直省府縣學宮各建忠義孝弟祠內立碑旌表建坊者  
題名其上身後設位祠中此雍正元年例也先是寧國府  
學有孝子祠故續建爲忠義祠專祀歷代忠義俞縱以下  
十六人縣學以附郭不另立未幾祠廢附祀鄉賢至是貢  
振鐸爲其父懋昭請旌義門始呈請補建此祠以復舊  
制懋昭循例並祀有司春秋致祭與諸祠同其請旌補  
建公牒勒石祠內

節烈祠在陵陽山雍正三年

敕建

舊志

今廢宣城附郭不復

建凡請旌之貞孝節烈婦女俱合祀於府節婦祠

學冊

昭忠祠在城隍廟內祀王昶賈大第陳朋周王福嘉慶初建

明倫堂在大成殿右明宣德中巡撫侍郎周忱命推官尹崇

高建大學士楊士奇記萬曆二年知縣姜奇方重建南吏部

郎中殷登瀛記上爲尊經閣左右爲齋二初名依仁游藝知

縣姜台改爲居仁由義前爲禮門又前爲大門各三楹萬曆

二年知縣姜奇方建

舊志

乾隆二十年知府稽維知縣貴中孚

用彤家言議改明倫堂於大成殿後推費不貲久之未決會

邑貢生樊傑等合族尙義願出祠田之羨任之乃移建今所

即其上爲尊經閣糜白金二千四百有奇璣爲記舊閣既撤仍葺其屋曰講堂新閣奉文昌神像湖望行香自嘉慶六年奉

敕追封先代曾用太平歲以春秋仲月致祭禮儀與闕廟同

學冊

按宣學舊制明倫堂上卽尊經閣非兩地也康熙府志謂宣德中巡撫侍郎周忱命推官尹崇高建尊經閣大學士楊士奇記載在正統壬戌知府袁旭徙今所之前則所謂尊經閣似指舊學在縣治西者言之乾隆縣志乃移此文於今學明倫堂下乾隆府志因之及考楊士奇所作縣廟學記則云宣德二年敕諭張昂謀於仰縣蕭古改作廟之

外門中門建明倫堂及師生會館之舍又廣地作射圃而  
蕭去官因及訓導陸霖湯輝勸率邑之好義者作大成殿  
及東西廡郡推官尹崇高復用嵩等議作尊經閣於明倫  
堂後未半亦去官逮郡守袁旭至而凡廟學之未脩者悉  
備矣是役也雖有衆力然始終崇功居多觀此文則楊公  
並非爲尹推官作記而首功之張嵩轉沒其美何舊志與  
碑記互異若此且其中尤有可疑者今學移於正統七年  
此記成於正統八年而所云脩學乃在宣德二年畢竟所  
指何地又云作尊經閣於明倫堂後更歧而二之矣今訪  
學宮無此碑姑識之以俟辨證

會膳堂在蒼明倫堂左明知縣蕭吉建教諭張崑記今廢

傳志

土地祠在教諭署左

學冊

教諭署在今講堂後舊署頌隆康熙三十二年教諭陸志遇

增六楹於左後盡圮歷任皆賃民屋以居乾隆九年教諭周

偉倡復邑生監詹可鈺章斯盛沈暲黃錕章世德歸大斌劉

文昇江上珍同捐募督建門堂宅廚悉備

傳志

訓導署在教諭署後舊有二署後因訓導員裁並廢康熙十

五年復設訓導一員錢邦達遂復建一署

傳志

學官弟子員額教諭一人復設訓導一人廩膳生員二十人

增廣生員二十人學院歲科兩試每試取進文章二十五人

爲附學生員歲試取進武童十五人爲縣學武生

增補舊志

按直省各府州縣入學額例順治五年定額府學六十名  
大學四十名中學二十五名小學十二名順治十五年定  
額府學二十名大學十五名中學十二名小學八名康熙  
二十八年定額府學二十五名大學二十名中學十六名  
小學十二名雍正二年定額人文最盛之地大學照府學  
中學照大學小學照中學宣涇兩邑向係大學題准如府  
學例是爲取進二十五名之始寧國旌德太平三邑向係  
中學亦以是年改爲大學各取進二十名惟南陵先於康  
熙五十六年經督學林之濬題改大學由十六名增額四

名每恭遇

思旨廣額之年取進文章各學均廣額有差至武童歲科並試額取府學二十名大學十五名中學十二名何不增廣云

祭器書籍學田詳縣志

書院附

志學書院在府治北景德寺後中爲大堂後爲會講堂各五楹左右號舍四十楹明嘉靖中提學御史狀定向知府羅汝芳推官李惟觀建大學士李春芳記其前爲門三楹萬曆中知縣姜奇方建今廢舊志

宛陵精舍在志學書院西俯綱司右北爲致道堂三楹中爲



詠歸亭南爲觀復樓三楹西爲號舍八楹明嘉靖中知縣姜台建邑人貢安國有觀復樓記致道堂後爲羅公生祠方初建時諸生集其中講習甚盛至隆萬間風流猶未息今並廢書院舊有田地二百三十六畝零地租原銀四十三兩五錢有奇又景德寺周圍地租每年該銀一十六兩六錢有奇又府城郭內外橋梁租每年該銀二十六兩九錢有奇後止一十四兩四錢嘉靖中知府羅汝芳請於巡撫督學巡按三臺移文給發徵租以爲諸生會講供應文成王陽明祠祀之需歲以諸生二人司其出納登籍脩葺焉主會講事者參政梅守德參議沈寵生員郭忠貞吳箕胡希瑗王黥等爲會長

司出納萬厯中時相江陵以奪情事議者多講學人傳檄禁  
之知府鄭繼之知縣詹事講遂改書院爲理刑公署其田貿  
值二百五十兩以充築北門壩公費其地租一十四兩四錢

仍歸於府

舊志

同仁會館在西門城內明萬厯中祁門貢士陳履祥倡學寧  
郡從者八百餘人宣城施宏猷章仲輔南陵陸行素涇縣萬  
國壽寧國楊懷鳳旌德呂堅太平汪昌源等率衆建館旁置  
廬舍取租以脩修葺祀羅近溪耿天臺兩先生履祥歿後從  
祀而以及門諸子附焉當時月率一會郡邑官及薦紳父老  
子弟講學歌詩或具館穀每歲四月朔大會三日六邑咸集

興起者衆

舊志

橫渠別墅在城外東南隅養馬街乾隆七年知縣張大宗捐

建今廢

舊志

義學無定所舊於學田租內取給廩餼雍正四年停知縣捐

俸給之

舊縣志

社學凡六所一譙樓東一鐵牛巷一北關外一東嶽觀前一

南門一東門俱月城內明萬曆中知縣姜奇方重建又舊社

學一所在織染局西今並廢

舊志

南陵縣

縣學在縣治東卽崇教寺舊址大成殿三楹左右兩廡共十

四楹前爲廟門三楹又前爲櫺星門三座宋初學在縣治南  
紹興間遷東南嘉熙初縣令趙若瑀脩王遂記元季燬於兵  
明洪武四年知縣甘潤教諭劉子潛重建十二年知縣吳冕  
永樂七年縣丞章昂教諭汪素十六年知縣楊真宣德六年  
教諭任倫成化元年縣丞謝文祥十三年知縣孟瀛嘉靖十  
三年知縣錢照相繼修葺舊府志嘉靖四十年改移縣東未及  
修葺四十四年知府羅汝芳知縣邵永春終其事會學南民  
房被火便買前地擴爲明堂萬厯四年知縣林鳴盛復行修  
葺據舊縣志及江南通志增入以見源流以補舊府志之闕萬厯十一年知縣沈堯中以  
文廟未得正穴移南四丈二十八年知縣朱朝望四十四年

知縣黎寵先後脩葺崇正十年知縣杜繩甲教諭王之讓訓導姜志峻張駿業同建金聲玉振江漢秋陽兩坊

國朝順治十年總督馬鳴佩徽寧道孫登第捐俸檄脩知縣馮必達教諭湯原清訓導胡繩共勸捐重修康熙十八年知縣屈升瀛教諭顧芳詩訓導張育建中大成坊脩左右兩坊於何南築牆曰萬仞宮牆以河水爲泮池四十六年知縣康五瑞重修雍正三年知縣宋廷佐教諭章克長訓導童吳重建

府志

乾隆三十九年知縣陳梅諭邑紳士捐資重修嘉慶元年知縣左輔勸諭合邑紳士分任脩理

採訪冊

崇聖祠在大成殿東舊係陳友瑄造後裔世爲修葺乾隆三

十年其族孫性捐貲重建嘉慶元年陳族重脩採訪冊

名宦祠在崇聖祠後嘉慶元年重脩採訪冊

鄉賢祠在名宦祠後嘉慶元年重脩採訪冊

文星閣在泮池東南乾隆四十七年知縣周學元勸諭紳士

捐資鼎建採訪冊

忠義孝弟祠雍正三年 敕建舊志

節烈祠雍正三年 敕建舊志

明倫堂在大成殿後左右爲成德達材二齋前爲義路禮門  
後爲尊經閣堂本劉潛王秋管世賢何澤等督造明崇正中  
知縣杜繩甲重建年久傾圮乾隆九年監生葉大雯重建嘉

慶四年大柱朽壞其子職員葉時勉葉時省修葺嘉慶九年  
梁楹復圯其子葉時省其孫生員葉蔡葉樓鴻等重脩閣則  
萬曆四年知縣林鳴盛始建康熙元年教諭史鑑宗七年知  
縣屈升瀛二十一年知縣杜源教諭顧芳菁訓導徐鍾麟先  
後脩葺嘉慶元年重脩又有明經閣在安賢寺後今廢

志江南通志  
及採訪冊

射圃在學西有亭三間今廢

舊志

教諭署在鄉賢祠後

舊志

訓導署在尊經閣後

舊志

學官復設教諭一人訓導一人弟子員額詳見前

祭器書籍學田詳縣志

書院附

籍山書院在縣治東北因山爲石臺萬曆十三年知縣沈堯

中建康熙間知縣屈升瀛脩今爲縣丞署

採訪冊

春穀書院卽察院故址乾隆四十八年知縣周學元勸諭各鄉紳士分任捐資重建設立號房爲縣試童生之所有碑記

採訪冊

太學會館在籍山亭東中廳一左右店面各五間通後前有

圃地太學生公建今屋廢碑碣尚存

舊志

武科會館新街關右今廢有地

舊志



社學凡四所東一所在管姓祠前北一所在城隍廟東其西  
南二所俱在崇教寺東今並廢

### 涇縣

縣學在縣治北卽大安寺故址大成殿三楹左右兩廡共六  
楹前爲戟門卽大成門又前爲泮池石橋又前爲櫺星門門  
外有明堂池池上東偏有洗心亭舊學在縣治南南唐保大  
四年徐知證鎮宣城推官吳光輔兼理涇邑荆建知制誥徐  
鉉記宋咸平嘉祐間兩圯于水熙寧三年縣令陳惇夫縣尉  
劉誼重建後燬于兵隆興元年縣令錢愔復建淳熙六年縣  
令汪行中徙建今所嘉定三年縣令王祿大爲修葺規制始

脩自爲記又燬於兵寺僧遂侵據其地元至元二十六年縣  
尹施正大教諭賀桂孫力復之後尹朱文魁飭建自爲記延  
祐五年縣尹蘇濟重脩宣城縣丞程桌記天曆二年縣尹馬  
晉撤而新之楊剛中記復燬於兵明永樂十年知縣薛蕙重  
建正統初提學御史彭昂檄修未竣知府袁旭率屬竟其工  
成化六年知縣強珍脩江浦莊景記十一年縣丞王濬大葺  
之邑人左仲輝記宏治二年提學御史王鑑之知府范吉屬  
知縣吾應麒重葺大成殿至六年知縣包義民成之皆訓導  
陳賓董其事古滄強珍記正德十年通判署縣事林康脩滇  
陽陳珊記嘉靖二十四年提學御史馮天馭屬知府尹守知

縣葉祥重脩武進唐順之記萬曆六年知縣李日文復建新  
安汪道昆記十三年知縣張堯文重脩邑人蕭彥記崇正八  
年知縣尹民興重脩訓導沈惟焯記後復燬於兵

國朝順治九年教諭施化遠勸捐重建自爲記十六年知縣劉鴻  
磐教諭汪伯位訓導丁允齡脩康熙八年圯于水九年知縣  
侯世淮重脩二十一年知縣蔣雲翼教諭楊言書訓導汪濬  
又修二十七年知縣王成舉教諭曹於京訓導鍾瑄重修大  
成門成舉自爲記五十四年故元教諭章鼎四後裔重建大  
成門知縣賈鎔記五十七年又圯于水庠生趙鳴皋倡捐脩  
整是年廩生翟尙鑑重建兩廡青陽吳襄記

以上據府  
縣舊志 雍正

年圯於水尙鑑之子思旺思曉復脩

舊縣志

十年大風壞文

廟墻瓦生員胡承禮葺之

採訪冊

十三年貢生王家棟重新學

宮金壇王步青撰

舊縣志

乾隆三十六年翟尙鑑孫大程大本

重修兩廡嗣後累歲修葺三十七年章鼎四之裔章鎮邦重

修儒學門攝縣事江恂記四十年貢生馬元勝重脩學宮知

縣顏璿記

採訪冊

崇聖祠在大成殿東明嘉靖九年建萬曆二十三年知縣陳

大綬重建

國朝康熙四十五年貢生趙濟修葺衍聖公孔毓圻記

舊縣志 乾隆五

十三年趙濬之孫永淳縣知縣趙世琛重脩

採訪冊

名宦祠在明倫堂東嘉靖四十二年知縣蕭濂建於啓聖祠

右萬厯二十八年知縣陳大綬遷祠後明末燬 本朝康熙

四十三年復建今所舊志乾隆三十七年貢生許贊重脩嘉慶

二年岸前都監生楊良盛重脩採訪冊

鄉賢祠在明倫堂右明嘉靖四十二年知縣蕭濂建於禮門

西萬厯二十八年知縣陳大綬遷於啓聖祠後明末燬 本

朝康熙四十三年復建今所舊志嘉慶六年黃山州同朱一相

等重建採訪冊

忠孝祠在鄉賢祠西雍正六年太平府同知署縣事於隍元

建於尊經閣東十年孝子胡羹齡之子舉人考授內閣中書

胡震芳庠生胡承禧胡成禮監生胡德宏徒建今所舊志

節烈祠在崇聖祠後雍正五年署縣事徽州府同知趙良瑄

奉 敕建時貞節後裔趙功懋等捐資公建縣志

文昌祠在大成門東順治十六年訓導丁允齡建康熙五十

六年廩生翟尙鏡重建縣志乾隆三十六年尙鏡孫大程大本

重脩嘉慶三年又脩土地祠在大成門西朔脩歲月並同採訪

冊

明倫堂在大成殿後東由禮門入元至元間縣尹石珉建明

宏治元年知縣李時重建萬曆六年知縣李日文重脩 本

朝順治九年教諭施化遠脩康熙十八年知縣鄧琪築脩四

十三年知縣孔毓培脩乾隆三十八年監生鄭思瑾思琦兄弟同脩後爲尊經閣順治九年教諭施化遠重建康熙二十九年知縣傅澤洪命庠生趙師獻勸捐復建縣志乾隆二十六年貢生趙一廷重脩其子孫至今世葺採訪冊

射圃在崇聖祠前明成化六年知縣強珍置並建亭縣丞王

濬廣之今廢舊志

教諭署在大成殿右舊在尊經閣東後遷大成門右順治間教諭施化遠名其廳曰引勝堂增建後堂五間尋圯康熙四十二年紳士重建今所舊志後復圯借義學以居者數十年乾隆四十六年教諭龔進蕃勸捐重建引勝堂前後規制大脩

採訪冊

訓導署在尊經閣東舊有二署一在明倫堂東一在明倫堂西順治十五年訓導丁允齡重修西署尋燬後因裁缺東署亦圯康熙二十七年復設一員訓導鍾煌重建於明堂池東岸五十七年圯於水曾居尊經閣乾隆九年知縣萬世寧以建文明樓餘資建於舊址工未竣十九年知縣王廷棟訓導胡銜倡勸移建今所參用府縣志乾隆五十五年邑紳士左霖趙奉鄭夢元等爲訓導孫元屍勸脩以其餘粉繪尊經閣採訪冊學官教諭一人復設訓導一人弟子員額詳見前

祭器書籍學田詳縣志



書院

水西書院一曰水西精舍在寶勝寺右前爲門三楹中爲明道堂後爲熙光樓各五楹左右爲兩廂各三楹外號舍二十楹樓後有梯十級爲仰止堂祀朱王二先生明嘉靖壬子修學御史黃洪異知府劉起宗知縣邱時楮建祭酒鄒守益記壬戌知府羅汝芳增置退省所於寶勝寺左門東向前爲明德堂五楹後爲思默樓五楹皆南向其後於明德堂祀郡守劉起宗羅汝芳曰懷德祠萬曆初毀丁亥知縣張堯文復建國朝初知縣銀文燦重建熙光樓康熙庚申知縣鄧琪棻增置館舍葺圯雍正癸卯貢生趙淳重修

傳志

三樂書院在儒學左雍正癸卯知縣李玖建庚戌圮於水知

縣劉幹重修改名義學邑人鄭相如記

舊志

雲龍書屋在縣東台泉山明嘉靖間太平焦駕部元鑑建歲

久圮甚邑貢生趙廷揮重建

舊志

考溪書屋在縣西麻溪口明進士翟台建

舊志

赤麓書屋在赤山巔明萬曆中知縣何廷魁李邦華創建

舊志

藍山書院在聳壁寺左明萬曆中水西講會同人建今廢

舊志

社學凡四所一在城內儒學東一在商鄉漆林村千粟山旁

一在北鄉下坊西鎮一在南鄉茂林都魁峯萬壽寺邊皆雍

正甲辰年建

舊志

文明樓在儒學前明堂池東乾隆甲子知縣萬世寧建

舊志

### 寧國縣

縣學在縣西門外大成殿三楹左右兩廡共十四楹殿左側爲日升門前爲廟門卽大成門門內爲內泮池又前爲櫺星門門外爲大成石坊左右爲騰蛟起鳳二坊騰蛟坊外爲魁星樓街南爲外泮池宋初學在縣東南夫子巷紹興間徙東門外明洪武十五年知縣鄭承事徙建今所正統中知府袁旭知縣劉清增拓之學士周叙記嘉靖十四年知縣鈔奇訓導樊玘與邑紳袁澤等捐資鑿池鼎建堂廡祭酒鄒守益記崇禎中知縣姜荃林倡脩邑紳仙克謹等重建有記

國朝初知縣馬光重脩康熙四十八年府同知郭威到知縣陳養

元重脩雍正乾隆間廩貢生胡夢麟胡夢周等重脩夢麟子

廩生胡啟榛又於泮池上建橋并石柱欄杆舊志乾隆四十五

年胡曾琦後裔重脩監生胡啟涵董其役有記嘉慶元年知

縣蔡儒亮教諭樊銓訓導諸自毅倡脩四年訓導曹煥續成

之生員胡鳳翔監生吳相旃董其役知縣王明記採訪冊

崇聖祠在尊經閣左邑人鮑里建後裔世舊志

各宦祠在櫺星門左舊志

鄉賢祠在櫺星門右舊志

忠義孝弟祠在大成殿右舊志

節孝祠舊在文廟左移建尊經閣右知縣余士依有記嘉慶

二年本祠後裔重建

採訪冊

文昌祠在大成殿右明教諭傅以智建 本朝乾隆十五年

訓導李之敦脩

採訪冊

明倫堂在大成殿後明宏治中知縣孫珍建崇正中知縣葉

重光脩 本朝乾隆八年拔貢程丙然歲貢于士位庠生吳

玕等倡脩嘉慶二年朱仙二姓合脩有碑記後爲尊經閣明

末圯康熙十八年知縣馬光重建後徐姓復脩乾隆五十四

年知縣張瑗教諭王家祀倡建

採訪冊

射圃本國清寺廢址後爲豪民所占署縣事胡子亞清復之

又買吳仁伍空地益為教諭王皞記今廢

舊志

教諭署在明倫堂左儒學大門係明義民楊廷貴建造裔孫

善鸞重脩嘉慶四年楊裔承脩

採訪冊

訓導署在明倫堂右

學官復設教諭一人訓導一人弟子員額詳見前

祭器書籍學田詳縣志

書院附

鳳山書院在射圃前一名明德書院明正德中知縣王時正

建嘉靖中署縣事胡子亞訓導王皞重脩隆慶中知縣徐一

積建樓五楹今廢

舊志

謝侯書院在關帝廟右遺愛堂明崇正八年知縣謝紹芳建

并置田十畝爲諸生會課之費其地今爲西察院

採訪

西津書院在西津橋東許康熙十六年知縣馬光因鳳山書

院久廢改建於此制度軒敞設理學先儒位置田六畝六分

時里排未革庠士施自珍等襄建蕪關倉廩役竣復同庠士

洪大受力成之後知縣陳主策復置田三號共六畝四分八

厘及理學會俱各輸有田地爲膏火修葺之資

縣志

社學凡二所一在城東北明隆慶中知縣徐一楨建一在西

街萬厯中知縣葉之盛建今爲曾侯祠

傳志

旌德縣

縣學在縣治東大成殿三楹左右兩廡共十八楹前爲廟門  
又前爲櫺星門門外爲泮池宋初學在縣東尉廨間崇寧元  
年縣令嚴適建宣和中燬於兵紹興十三年縣令趙伯傑重  
建東移十步許乾道初縣令齊慶自拓之教授徐銳記淳熙  
間縣令沈作霖紹熙間縣令李瞻嘉定間縣令秦壻方備嘉  
熙間縣令趙時燧相繼修葺德祐間又燬於兵元至元十四  
年縣尹葛師亮命主簿汪必成重建十八年縣尹單執中二  
十八年縣尹郝弼繼脩之三十年縣尹劉瑞元貞中縣尹王  
貞重脩尋圯至元中縣尹劉性重建至正九年達魯花赤亦  
憐眞縣尹楊寶寶共脩敎諭許道傳記末年毀明洪武三年



知縣朱鐸荆建永樂中知縣譚青加脩正統三年縣丞陳賢  
重建十一年知縣馮本加脩景泰四年知縣曹祥成化初知  
縣彭賢尹清繼脩嘉靖十年知縣柳應陽徙而稍北同知葉  
尙文續修萬曆三年知縣秦文提改建七年知縣盧洪春續  
脩宣城沈懋學記二十六年雨壞知縣蘇宇庶重脩崇禎末  
盡燬於兵

國朝順治二年徵寧道張文衡教諭吳邦俊各捐助創建後徵寧  
道郝璧袁仲魁孫登第田偉抱知縣李滋發同一熊王融教  
諭毛元策訓導卞日邳劉完人劉其液相繼脩葺康熙四十  
年知縣夏文炳以學宮地勢卑下將明倫堂舊址并割縣署

地改建自爲記雍正十年知縣紀咸建泮池上石橋及門外  
左右德配天地道冠古今二坊并照牆一堵有記乾隆八年  
生員方璧捐資自正殿兩廡以及門墻牌坊概行繕葺命其  
子郡庠生蛟督工葺事學院觀保知縣蘇一圻並有記

參訂府縣

舊志嘉慶十年附貢生朱則漢朱則璟偕弟姪等二十五人呈

請修造捐銀二萬四千兩有奇殿基加高一尺脊高五丈六  
尺瓦覆以瓷柱易以石兩廡戟門櫺星門泮池石坊皆新之  
規模視舊增壯知府魯銓記

冊學

崇聖祠在教諭署東 國初巡按衛貞元捐資建於正殿東  
康熙四十年移學宮祠亦重建乾隆九年徙今所大殿儀門

大門各三楹生員方然遵父祿遺命捐建知縣蘇一圻記

嘉慶十年附貢生朱則漢等捐脩祠基移前七尺增高四尺

間架簷楹煥然宏整

學冊

名宦祠在戟門左康熙四十年重建乾隆九年復脩

傳志

嘉慶

十年朱則漢等脩建

學冊

鄉賢祠在戟門右原名企德一曰崇德進士梅鶚有記脩建

並同名宦祠

舊志

嘉慶十年朱則漢等脩建

忠義孝弟祠雍正元年 詔建學宮內在明倫堂之南乾隆

十一年改建明倫堂西

縣傳志

節孝祠雍正元年 詔建學宮外在雲路門東

縣舊志

文昌閣在學東石壘上明嘉靖三十七年知縣李調元倡捐  
新建後圯萬曆四十四年教諭夏之鼎重建

國朝順治三年推官署縣事楊光溥知縣王融教諭毛元策訓導  
劉完人等復勸捐重建雍正間盡圯乾隆十年合邑紳士卽  
廢址鼎新累甃建塔五層遂改名奎文塔

舊志

魁星樓在雲路門之上高樓飛觀倣古制規形圖式乾隆九  
年生員方然遵其父祿遺命捐資新建

縣志

明倫堂在大成殿東原名講堂宋乾道中縣令齊慶甫重建  
改爲言仁堂嘉定中縣令方備改今名明萬曆三年知縣秦  
文捷改建自正殿西遷正殿後崇禎末盡圯

國朝順治二年徵舉道張文衡教諭吳邦俊重建康熙四十年知縣夏文胤徙今所東爲尊經閣原名雲章閣宋嘉熙四年縣令趙時燧典史吳應中建元元貞間縣尹王貞重建改今名後圯乾隆八年合邑捐建移奉文昌神像春秋致祭如制堂之左右爲博文約禮二齋前爲禮門又前爲大門卽雲路門後爲文會堂

舊志

乾隆五十八九年間傾圮已盡嘉慶十年朱紹訓堂爲光爲顯後裔公捐脩造升高四尺改用石柱瓦瓦又於堂西增建書屋六間庖廚一所爲課士地共糜白金二千八百兩有奇

學  
冊

射圃在學東北舊有敬一亭會友堂號房膳堂今並廢

舊志

教諭署在明倫堂後傳在文會堂東順治十三年教諭毛元

策脩康熙四十年教諭張孝揚移建今所

舊志

訓導署在奎文塔右舊在文會堂西乾隆十一年移建今所

舊志

學官復設教諭一人訓導一人弟子員額詳見前

祭器書籍學田詳縣志

書院

附

旌陽書院在小東門內卽兵備道署廢址一曰義學乾隆二  
年知縣紀咸建正廳三楹後樓三楹左右配房各一楹二門

內左右廂房各三楹二門左右房各一楹大門左右房各二楹中爲易簡室基九畝

舊志

太學書院在學西明監生姚天澤宋元勳郭宗璉買民地建後圯 本朝康熙三十五年貢監生重建

舊志

今名儲英書院

毓文書院在縣南五十里洋山職貢譚子文建

採訪冊

社學凡四所二在城東招坊一在舊察院旁一在北門外俱明洪武中知縣趙約禮建今並廢

舊志

### 太平縣

縣學在縣治東大成殿三楹左右兩廡共幾楹前爲廟門又前爲櫺星門宋初學在縣治西嘉祐中縣令孫覺徙建今所

紹興中縣令蔡備隆興中縣令錢楨增葺淳熙中縣令莫標以縣前民居蔽塞建門樓面迤山水之秀倪思爲記乾道初縣令陳汝資重脩昌廣間記慶元中縣令柳楙拓之元至正中縣尹李誠重建明洪武三年知縣李簡十五年知縣齊景達繼脩正統三年督學御史彭勗命知縣張珪增建學制始備六年知縣蔣忠宏治七年知縣張瀚再葺新之樂安謝綬記正德十年知縣楊良臣復拓前基易楹星門以石十五年知縣朱守爲又大葺之增置祭器移今署名嘉靖中盡圮三十年縣士夫侍御崔湛給諫周怡倡建教諭王佳士鑿泮池萬曆五年知縣張廷榜重脩尚書畢浦記天啓間漸圯教諭



龔立本重修記石

國朝順治五年教諭虞敬倡建泮池上石橋康熙二年知縣陳恭  
教諭袁澄訓導董雲申重新之陳恭自爲記二十年知縣王  
鄰因宮墻隘狹市地拓垣廣舊址十之七三十一年知縣張  
進籙捐修雍正元年知縣陳永宗教諭汪席珍訓導黃昌儼  
勸捐重修督學姚三辰知府黃叔琪並有記

舊志

崇聖祠在大成殿西

舊志

名宦祠在大成門左

舊志

鄉賢祠在大成門右

舊志

忠義孝弟祠在學宮東雍正二年 敕建

舊志

節孝祠在學宮東察院西雍正二年 敕建舊志

文昌樓在明倫堂前乾隆十二年建舊志

明倫堂在大成殿右順治間教諭袁澄訓導趙君訪建乾隆

十二年知縣楊大濱倡捐重建知府宋敷記東西爲成德達

材二齋前爲禮門又前爲大門又前爲東西二坊舊志

射圃在天都書院右舊志

教諭署在明倫堂後舊志乾隆五十九年教諭俞懷祖勸諭脩

整學冊

訓導署在明倫堂後舊志嘉慶元年訓導王忻借俸興修學冊

學官復設教諭一人訓導一人弟子員額詳見前

祭器書籍學田詳縣志

書院附

天都書院在縣治南里許正堂三楹後堂三楹兩廊各五楹門三楹原爲開福寺廢址明嘉靖中知縣邱振建初名文峯書院二十二年知縣劉元凱修葺更今名後圮萬曆五年知縣張廷榜重建主事蕭良幹記七年改爲迎恩公館知縣潘應化復之邑人焦文臣記明末復圮

國朝順治八年知縣陳善政重建中爲講堂前爲凌雲閣今盡圮存地九畝零召附近居民耕種交租

舊志

乾隆甲申李峯倡修

太學館在縣治西舊文昌閣右後燬址存

舊志

乾隆乙巳重建

社學一所在縣治西堂五楹左右廊各三楹今廢周繼高周

光斗每年墊出地租銀四錢入官

舊志